

VENDIM
Nr. 842, datë 14.11.2012

PËR DISA NDRYSHIME NË VENDIMIN NR. 234, DATË 6.3.2009 TË KËSHILLIT TË
MINISTRAVE “PËR SHPRONËSIMIN, PËR INTERES PUBLIK, TË PRONARËVE TË PASURIVE
TË PALUAJTSHME, PRONË PRIVATE, QË PREKEN NGA NDËRTIMI I NËNSTACIONIT
ELEKTRIK 400/220/110 KV NË KASHAR”

Në mbështetje të nenit 100 të Kushtetutës dhe të neneve 5 pika 1, 20 e 21 të ligjit nr. 8561, datë 22.12.1999 “Për shpronësimet dhe marrjen në përdorim të përkohshëm të pasurisë, pronë private, për interes publik”, me propozimin e Zëvendëskryeministrit dhe Ministër i Ekonomisë, Tregtisë dhe Energjetikës, Këshilli i Ministrave

VENDOSI:

Në vendimin nr. 234, datë 6.3.2009 të Këshillit të Ministrave, bëhen këto ndryshime:

1. Pika 3 ndryshohet si më poshtë vijon:

“3. Pronarët e pasurive të paluajtshme, që shpronësohen, të kompensohen në lekë, në vlerë të plotë, sipas masës përkatëse të kompensimit, që paraqitet në tabelën që i bashkëlidhet këtij vendimi, për sipërfaqen totale të shpronësimit prej 104 500 (njëqind e katër mijë e pesëqind) m², vlerësuar në shumën e përgjithshme prej 339 507 924 (treqind e tridhjetë e nëntë milionë e pesëqind e shtatë mijë e nëntëqind e njëzet e katër) lekësh.”.

2. Në tabelën e të shpronësuarve, që i bashkëlidhet vendimit, prona me nr. 32/3, me sipërfaqe 4 500 (katër mijë e pesëqind) m² tokë, në emër të Veiz Jashar Dema, ndahet në 2 (dy) pjesë:

- Prona me nr. 32/30, me sipërfaqe 2000 (dy mijë) m² bëhet në emër të Haxhi Dema;
- Prona me nr. 32/31, me sipërfaqe 2000 (dy mijë) m² bëhet në emër të Nezir Dema.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha